



Soño di un mucha muher di un isla chiquito a bira realidad

Nicole Hoevertsz Vice Presidente nobo di IOC

NICOLE Hoevertsz a keda eligi como e Vice Presidente nobo di Comité Olimpico Internacional (IOC). El a tuma e posicion di e Americano, Anita DeFrantz, kende a bin ta ocupa e funcion aki pa algun aña caba. Hoevertsz tabata e unico candidato p'e posicion aki. El a demostra su orguyo despues di a keda eligi.

"Si antes bo a puntrami of si esaki lo ta posibel, lo mi a considera esaki un soño. Ma awor mi a haci cu e soño aki a bira un realidad, unda un mucha muher di un isla chiquito a bira un realidad".

'Un hende muher determina pa pone nomber di Aruba na halto internacionalmente' yama Nicole Hoevertsz.

Diaranson ultimo, durante Asamblea General di IOC, cu a tuma lugar na Tokyo, señora Nicole Hoevertsz a wordo eligi como e Vice Presidente nobo di Internationaal Olympic Comité (IOC).

Señora Hoevertsz tabata e unico candidato p'e posicion aki y a haya sosten di henter e comision.

Ta for di 2006, Nicole ta miembro di IOC y pa 4 aña ta forma parti di e Junta Directiva. Y awe nos por mira un biaha mas un hende muher determina di nos isla wordo eleva na un posicion halto y importante den e mundo di deporte.

Prome Minister Evelyn Wever-Croes, den nomber di Gobierno di Aruba y pueblo di Aruba en general, ta felicita Nicole p'e logro grandi aki y alabes ta gradici Nicole pa un biaha mas pone e nomber di Aruba na halto internacionalmente.

E mucha muher di un pueblo di un isla chikito

Nicole Hoevertz di Aruba a bira Vice-Presidente di Comite Olimpico Internacional, IOC

UN momento sigur grandi y historico ora cu diamars anochi laat, e Secretario General di Comite Olimpico Arubano, sra. Nicole Hoevertsz a keda eligi como e Vice-Presidente di e organo pa mas halto di e deporte mundial, esta Comite Olimpico Internacional.

momento bo ta desaroya bo mes di un pa e otro y siña mas y mas.

Den IOC nan ta encurasha bo pa crece y bay padilanti den bo funcion, bo responsabilidnan ta bira cada bes mas grandi, bo ta tareanan ta bira mas pisa”.

di Hulanda, entre otro di Rey Willem Alexander kende a manda Nicole un mail felicitando su persona pa cu su funcion nobo.

Y sigur tambe di e continente di America, coleganan di Panam Sports, ODESUR y ODECABE, tur tabata super contento y e apoyo tabata inmenso na su persona.



“Un apoyo total, algo sigur hopi bunita. Algo cu mi a pusha semper ta pa logra lo maximo den cualkier funcion, sali for di bo comfort zone. Esaki tambe mi ta siña e hende muher y e hende hobennan cu mi ta traha cu nan. Bo tin cu ‘step up to the plate’ y bay p’e. Den tur mi charla y cursonan mi ta papia riba esaki. Unabes bo ta sinti bo mes cla, no duda den bo mes, no tene miedo, bay p’e, traha duro y bo lo logra”.

Nicole a compara e mensahe aki mescos un lift. Bo tin cu subi esaki p’e hibabo ariba, pero e mas importante ta cu bo tin cu manda e lift bek abou p’asina mas hende por subi den esaki y bay ariba cu ne p’asina nan tambe yega eyriba. Na final Nicole a manda un bunita mensahe pa tur esnan eyfo cu un dia kier logra algo den bida.

“Mi tata semper a siñami soña na grandi. Si bo kier logra algo den bida nada no ta imposibel. E hecho cu awe ami a wordo eligi como Vice-Presidente di e organisacion mas halto di e deporte mundial ta algo increibel. Nunca nada no ta imposibel. Bo tin cu traha duro, nada no ta bin como regalo y no ta cay fo’i shelo. bo tin cu sacrifica.

E ta henter un bida cu mi a dedica na deporte paso mi ta convenci cu esey t’e cos di mas bunita y mas imporante pa crea un mihor mundo y crea un mihor pais. Semper m’a kere den mi mes y e resultado y logronan cu lo bay tin na final ta dunabo e satisfaccion cu niun hende no por kita mas for di bo.”

“Si bo a puntrami algun aña pasa si mi tin pensa di bira Vice-Presidente di IOC, mi lo a bisabo no, paso esey lo ta un soño cu nunca lo bira realidad pa motibo cu mi ta bin di un isla chikito. Pero danki na mi coleganan den IOC, e soño aki a bira un realidad”, Nicole a bisa den su prome palabranan durante e Asamblea General di IOC na Tokyo, Hapon.

Segun Nicole ta sigui conta cu nos ta bin di un isla chikito y nos deporte no ta conoci ainda, no sobresali mundialmente y den e mundo Olimpico nos no a gana un medaya Olimpico ainda. Pesey mes tambe pa yega na un puesto asina halto den e IOC ta algo grandi.

“Mi ta bin di un isla chikito, mi ta hende muher y den un principio nunca mi tabatin e ambicion pa bira Vice-Presidente di IOC. Mi ta un hende cu gusta deporte y traha pa deporte, pero nunca cu un meta mi dilanti cu un dia mi lo kier bira Vice-Presidente di IOC. Pero dado

Ya for di algun aña caba, Nicole mester a drenta como miembro ehecutivo di IOC, pero debi na su trabou na Aruba e no por a combina esaki te ora cu e oportunidad a presenta. Y ora esaki a presenta y riba insistencia di actual Presidente di IOC, sr. Thomas Bach, Nicole a tuma e desicion cu e ta pone su mes disponibel pa bira un miembro ehecutivo di IOC, y esey a pasa 4 aña pasa na 2017.

E aña aki e propio Bach a propone na Nicole p’e postula su mes pa Vice-Presidente, cual e no tabatin den mente. Nicole den prome instante tabata duda si e lo ta cla pa un funcion asina importante.

Despues di evaluacion, Nicole a dicidi di postula su mes mirando tambe cu no tin un hende muher actualmente cu e titulo ey. Mester bisa cu na final di e eleccion, Nicole Hoevertsz a haya 72 voto na favor y 7 voto en contra. Nicole a haya masha hopi felicitacion